



Communicaziun a las medias

Cun RTR a las festas d'uffants la stad 2018

Cuira, ils 25-06-2018 – **Radiotelevision Svizra Rumantscha sa preschenta a las festas d'uffants en il chantun Grischun. Ils 30 da zercladur beneventa RTR per l'emprima giada pitschen e grond sin la Quaderwiese a Cuira. Ils uffants han la pussaivladad da sa divertir cun il chastè-trampolin, tadar istorgias e chanzuns rumantschas u laschar far ina fotografia en resti da figuras fabulusas.**

Dis da divertiment che appartegnan be a las pli giuvnas ed als pli giuvens: per tge uffant n'è quai betg in fervent giavisch? Sco chasa da medias per la Svizra rumantscha che porscha cuntegns audio, video ed online era per ils uffants, na dastga RTR betg mancar durant quests dis speziels. Uschia è RTR questa stad preschent a trais festas d'uffants cun la finamira da divertir ils pli pitschens da ses public.

Trais fins d'emna cun RTR

L'emprim lieu d'acziun è la Quaderwiese en il center da la citad da Cuira. A la festa d'uffants dals 30 da zercladur è RTR da la partida cun in chastè-trampolin ed ina staziun da far fotografias. Là pon ils uffants sa travestgir sco figuras fabulusas e far ina fotografia ch'els dastgan prender a chasa sco regurdientscha da quest di magic. En la tenda da paraulas vegnan pliras giadas raquintadas istorgias rumantschas e chantadas chanzuns d'uffants.

En collavuraziun cun la Lia Rumantscha è RTR era da la partida a duas autras festas: ils 14 e 15 da fanadur a la festa d'uffants a Savognin ed in'emna pli tard, ils 21 e 22 da fanadur, a la festa d'uffants a Laax. Era là pon ils uffants chantar chanzuns rumantschas u sa travestgir sco figuras fabulusas.

Nova purschida online per uffants

Las collavuraturas da RTR ch'èn al lieu cun in stan d'infurmaziun preschentan la nova purschida online per uffants sin www.rtr.ch/uffants e stattan a disposiziun per dumondas.

Cun RTR a las festas d'uffants:

Cuira, ils 30-06-2018, da las 10:00 - 17:00, sin la Quaderwiese

Savognin, ils 14/15-07-2018, da las 10:30 - 17:00, al Lai Barnagn e sin Tignas

Laax, ils 21/22-07-2018, da las 10:00 - 17:00, al Lag Grond

Dapli infurmaziuns

RTR | Madlaina Niggli | referendaria communicaziun e marketing | madlaina.niggli@rtr.ch | tel. 081 255 75 75